


REVISTA SITUASAUN DEZEMBRU 2012

ASUNTU NE'EBÉ PRESIZA ATENSAUN IHA FULAN IDA NE'E:

- ▶ Movimentu CPD-RDTL
- ▶ Tensaun Konfliktu iha Fronteira
- ▶ Asaun Violénsia husi ema deskuñesidu

ASUNTU NE'EBÉ PRESIZA ATENSAUN

Total Insidentes ne'ebé relata



Analiza dadus insidenti tun iha Dezembru 2012, kompara ho insidente Dezembru 2011. Bele hetan relatóriu insidenti iha www.belun.crowdmap.com

ASUNTU NE'EBÉ PRESIZA ATENSAUN

Movimentu CPD-RDTL

Preokupasaun komunidadade liga ho movimentu Grupu Consellu Popular Demokratika Timor-Leste (CPD-RDTL) kontinua iha Fatuberlihu (Manufahi). Membros balun sei uza atributu militar nian hanesan farda, maske hetan atensaun seriu husi Sua. Exselensia Prezidente RDTL, Governu inklui Xefi Estadu Maior Jenerál F-FDTL, nomós halo Dialógu ho grupu CPD-RDTL no komunidadade Subdistritu Fatuberlihu iha Novembru 2012. Rezultadu Dialógu mak komunidadade lakonkorda ho prezensa CPD-RDTL, no mós CPD-RDTL rasik mantein pozisaun hodi konsentra iha Subdistritu Fatuberlihu. Hafoin rezultadu diaolgu ne'ebé seidaok iha solusaun, ba dahuluk Governu foti desizaun ba Xefi Estadu Maior Jenerál FALINTIL-Forsa Defeza Timor-Leste (F-FDTL) hodi fasilita komunikasaun entre komunidadade no grupu CPD-RDTL ne'ebé agora movimentu iha Subdistritu Fatuberlihu (Manufahi).

Asaun ba daruak, Primeiru Ministru husu ba Administrador Distritu Manufahi no Subdistritu atu labele permiti halo adjuntamentu ba membru CPD-RDTL tanba organizaun ida la liu Konstituisaun RDTL. Nune'e Xefe Governu reafirma katak depois de Orsamentu Jerál Estadu hetan aprovaudu, sei halo asaun hodi fasilita grupu CPD-RDTL iha Suku Weleluluhu, Fatuberlihu ba halo kooperativas iha idak-idak nia fatin, (Timor Post 22/1/2013). Parte seluk, Xefe estadu Maior Jenerál F-FDTL afirma, atu hatais farda no uza kilat ho facilidade funu nian ne'e PNTL ho F-FDTL deit bele uza. Ida ne'e mos klaru konsagra ona iha Konstituisaun RDTL artigu 146 ne'ebé dehan katak forsa Deféza Timor-Leste iha ida deit mak F-FDTL. Tanba ne'e, ema ruma ka grupu ne'ebé utiliza atributu militar, kontra konstituisaun RDTL.

Relasionadu ho deklarasaun Xefe Governu atu haruka membros CPD-RDTL ba halo kooperativas iha idak-idak nia fatin, iha instituisaun ne'ebé iha kompetensia atu implementa desizaun politika ida ne'ebé governu foti, maibé Governu prezisa hasai rezolusaun ruma, nune'e instituisaun ne'ebé atu implementa desizaun, bele implementa tuir baze legal. Nune'e labele mosu fali tensaun ka konfuzaun entre instituisaun depois de implementa desizaun.

Parte seluk, NGO Belun apoiu ho alternativu ou meus ne'ebé Governu foti bainhira fasilita grupu CPD-RDTL hodi halo atividade Koperativa to'os no natar iha idak-idak nia Distritu, ho razaun fundamental atu labele fó impaktu ba tensaun familia laran tamba membros familia balun viajem dok no hela kleur iha distritu seluk. Risku konfliktu iha uma laran hanesan ne'e mosu tiha ona hanesan iha Distritu Lautem, Subdistritu Lautem, Suku Maina II, Aldeia Queduloro, akontese insidente baku malu entre membros familia fetosaa-umane husi fen ho laen nian, tanba sirania oan rasik mate ou fila hikas ba aman Maromak, maibé hanesan aman husi oan ne'ebé mate labele marka prezensa tanba konsentra hamutuk hodi halo hela atividade kooperatiava iha Subdistritu Fatuberlihu (Manufahi)



ho distansia ne'ebé dok fó imapktu atu la bele fila lalais ba hamutuk ho familia bainhira akontese insidente ruma.

Maske nune'e, Governu prezisa tetu didi'ak vantajen no desvantajen ba dalan oi-oin atu responde ba atividades grupu CPD-RDTL katak, atu labele fó impaktu ba rezultadu natar ka aihoris ne'ebé moris ona iha Subdistritu Fatuberlihu. Belun rekomenda atu membrus grupu CPD-RDTL ne'ebé hanesan ema rai nain ou hela iha Subdistritu Fatuberlihu kontinua tau matan ba to'os no natar to'o koileta rezultadu, hafoin bele identifika fali rai ne'ebé laos hanesan disputa atu kontinua hala'o atividade kooperativa to'os no natar ho apoiu husi Governu.

TENSAUN KONFLITU IHA FRONTEIRA

Preokupasaun Komunitade iha Fronteira

Rezultadu monitorizasaun Belun relata insidente durante Abril-Dezemburu 2012, iha fronteira Distritu Oecusse hamutuk (22). Husi Insidente (22) akontese iha Subdistritu Nitibi (9), Pasabe (8), Oesilo (3), no Pante Makasar (2). Husi insidente sira ne'e, tensaun konflitu sae maka'as iha Dezemburu, bainhira akontese insidente iha Area Naktuka, Aldeia Manan, Suku Bene Ufe, Subdistritu Nitibe (Oecusse) ema diskuñesidu oho mane ida hanesan lia nain besik linha fronteira entre Bene Ufe (Timor Leste) ho Oepoli (Indonesia). Insidente ne'e rasik fó impaktu familia uma kain 27 evakua ba fatin seluk tanba tauk. Entretantu insidente ne'e Polísia halo ona investigasaun no hein despaixa husi Prokurador Jeral atu halo otopsi ba iha mate isin, hodi hatene loloos

kausa ema ne'e nia mate. Bele le publikasaun tan konaba insidente ida ne'e iha: www.belun.tl

TENSAUN KONFLITU IHA FRONTEIRA



Foto : Estaka Markasaun Fronteira iha Naktuka tempu Holanda no Portugal.

husi postu TNI. Nune'e mós membru UPF menus fó impaktu labele halo patroliia durante 24 oras, no laiha fasilidade komunikasaun.

Entretantu preokupasaun komunitade kona-ba harii Postu iha fronteira, Komandante Polísia Nsional Timor Leste (PNTL) afirma katak: PNTL husu ona Governu atu harii postu temporariu iha area ne'ebá hodi fó seguransa ba populasaun ne'ebé hela besik fronteira.

ASUNTU NE'EBÉ PRESIZA ATENSAUN

Asaun Violénsia husi ema deskuñesidu

Rezultadu monitorizasaun Belun relata, asaun violénsia husi ema deskuñesidu ho metode violénsia hodi halo asalta ema bainhira iha dalan ka uma, husi insidente (2) iha Novemburu sae ba insidente (3) Dezemburu. Husi insidente (3) Dezemburu relata Iha Distritu Manatutu, ema deskuñesidu baku no hadau katuas ida nia karteira iha dalan. Iha Distritu Viqueque halo asalta no sunu familia ida nia uma iha tempu kalan fó impaktu uma no sasan ahi han hotu. Akontese mós iha Distritu Viqueque ema halo asalta hodi koko atu sobu tiha armazen sentru Saude nian ne'ebé tau aimoruk.

ASUNTU NE'EBÉ PRESIZA ATENSAUN

Insidente Seluk:

Violénsia entre Juventude hatudu redusaun ba número insidente iha Dezembru husi insidente 26 (Novembru) tun ba 11 (Dezembru), maske nafatin relata insidente iha Distritu Dili (7), Liquiça (1), Viqueque (1), Covalima (1) no Aileu (1), maibe nune'e Distritu Manufahi, Bobonaru, Oecusse, Manatutu, Lautem, Ainaru, Baucau, Ermera mudansa pozitivu la relata insidente iha Dezembru 2012.

Violénsia tanba Konsumu Tua Manas, husi insidente 5 (Novembru) sae ba 12 (Dezembru). Ne'e indikador ida tanba fulan Dezembru hanesan maioria celebra loron natal no tinan foun ho toman hemu tua hamutuk iha tasi ibun, prezepiu, hodi halo vesteza ho dansa rezulta to'o baku malu entre grupu ne'ebé hemu tua hamutuk, tanba ideia lahanesan bainhira komunikaun ba malu. Husi insidente 12 (Dezembru) relata iha Distritu Dili (3), Covalima (3), Manatutu (2), Liquiça (1), Viqueque (1), Baucau (1) no Aileu (1).

Disputa Rai relata insidente (6), ne'ebé akontese iha Oecusse (2), Viqueque (1), Lautem (1), Baucau (1), Aileu (1).

Involvmentu Membru Familia iha insidente husi (7) (Novembru) tun ba 5 (Dezembru) detekta iha Distritu Liquiça (2), Oecusse (1), Manatutu (1), Baucau (1).

Violénsia entre Estudante husi insidente Novembru (2) tun ba Dezembru (1) ne'ebé akontese iha Liquiça (1).

REVISTA SITUASAUN: DEZEMBRU 2012

Insidente entre To'os Nain no Animal Nain akontese iha Distritu Viqueque.

Durante Dezembru relata mós Krime Seluk hamutuk (10), ne'ebé akontese iha Distritu Manufahi (3), Viqueque (2), Liquiça (1), Dili (1), Covalima (1), Ainaru (1) no Ermera (1).

Husi insidente hotu, nafatin ativamente Polísia no Lideransa Komunitaria sira halo intervensaun ba insidente ne'ebé bainhira parte ruma hato'o keixa.

BELUN AJUDA PROSESU RESOLVE KONFLITU NE'EBÉ LAO TINAN 30 TIHA ONA

Rede Prevensaun no Responde Konfliktu (RPRK) Subdistritu Same Vila (Manufahi) fasilita dialógu entre comunidade aldeia Roin (Daur), Suku Daisua ho comunidade Suku Tutuluro ne'ebe durante tinan 1982 – 2012, laiha relasaun diak, tamba situasaun konfliktu ukupasaun Militar Indonesia nia ne'ebé halao torturasaun ba Komunitade hodi Resulta Komunitade balun kanek no ida mate. Ho Razaun ne'e Komunitade Aldeia Roin muda (Halai) Integra ba suku Daisua. Maibé liu husi Dialogu ne'e ba faze dahuluk ho rezultadu positivu parte rua iha konkordansia ba malu atu kontinua halo Dialógu ba faze II tuir kultura, ho objetivu atu comunidade Roin suku Daisua bele fila ba sira nia suku orijinal Tutuluro.



Foto : Dialogu entre Komunitade Aldeia Roin (Daisua) ho Komunitade suku Tutuluro

Prevensaun Konfliktu iha Komunitade durante Dezembru 2012, husi Belun nia apoiu

- RPRK Subdistritu Atauru (Dili) realiza Tara Bandu oinsa atu proteje sistema be'e mos.
- Belun liu husi Programa Seguransa Alimentar (Food Security) servisu parseria ho ASMA no GTV Trento-Italia iha Suku Macadade (Aldeia Bite no Anartutu) hala'o atividades "Champion Tippy Tap" ou kria facilidades fase liman hamutuk ho inan aman no profesores sira hodi orienta estudantes hamutuk mos inan aman no

professores sira iha Ensino Basiku Eskola Fillial Macadade no Eskola Infantil Fitun Esperansa Anartutu hodi asesu ba facilidades ne'ebe kria uja material lokal hodi fase liman ho sabaun no sei lagasta be barak.

REKOMENDASAUN

Ministériu Justisa, liu husi Dirasaun Terras, Propriedade no Servisu Kadastrais

- Identifika area rai balun ne'ebé hanesan propriedade Estadu iha Distritu ida-idak hodi oferese ba CPD-RDTL hodi halo atividade kooperativa hamutuk hanesan to'os no natar.

Sekretáriu Estadu Seguransa

- Dudu prosesu ba harii Postu UPF temporariu iha Fronteira Naktuka.
- Planeamentu prosesu rekrutamentu ba aumenta membru UPF, atu nune'e iha postu iha fronteira bele aumeta numeru UPF iha postu idak-idak.
- Facilidade transporte motor ka kareta presiza aumenta hodi halo patroliu ba iha area fronteira.

Ministériu Agrikultura

- Apoiu material agrikultura ba grupu CPD-RDTL atu kontiua hala'o atividade kooperativa to'os no natar, iha Distritu ida-idak.

Sosiedade Sivil

- Fasilita Edukasaun Sivika iha baze atu comunidade bele asesu ba informasaun nune'e labele fasil monu ba informasaun falsu.

REVISTA SITUASAUN: DEZEMBRU 2012

Rede Prevensaun no Responde Konfliktu ne'ebé eziste iha Subdistritu

- Aktivu koopera ho autoridade lokal, lideransa relijiaun, sosiedade sivil no governu lokal hodi identifika tensaun konfliktu ne'ebé mosu no realiza asaun prevensaun konfliktu ba eskalasaun violénsia.

KONA-BA REVISTA SITUASAUN NE'E

Revista situasaun ne'e relata kona-ba asuntu xave relasiona ho insidente violénsia no tendensia husi koleksaun dadus monitorizasaun liu husi sistema Atensaun no Responde Sedu Timor-Leste durante Dezembru 2012. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele klarifika ka update dadus ne'ebé ami iha liu husi AtReS. Favor email AtReS nia Program Manager Bylah Da Costa: bylah.belun@gmail.com. Imajen © Simon Falo